

中国古典诗文十大名著

插图注解

庄子集解

ZHUANGZI
JIJIE

清·王先谦 撰
陈凡 整理



三秦出版社

中 国 古 典 诗 文 十 大 名 著

插 图 注 解

庄子集解

Z H U A N G Z I
J I J I E

清·王先谦 撰
陈 凡 整理

三 秦 出 版 社

图书在版编目(CIP)数据

庄子集解/(清)王先谦撰;陈凡整理.—2版.

西安:三秦出版社,2005.3

(插图注解中国古典诗文十大名著)

ISBN 7-80628-216-5

I. 庄... II. ①王... ②陈... III. ①道家②庄子-
注释 IV. B223.52

中国版本图书馆CIP数据核字(2005)第019789号

插图注解中国古典诗文十大名著

庄子集解

[清]王先谦 撰

陈凡 整理

出版发行 三秦出版社

新华书店经销

社 址 西安市北大街131号

电 话 (029)87205106

邮政编码 710003

印 刷 陕西丰源印务有限公司

开 本 850×1168 1/32

印 张 15.375

字 数 300千字

版 次 2005年3月第2版

2005年3月第1次印刷

印 数 1-5000

标准书号 ISBN 7-80628-216-5/I·64

定 价 15.00元

出版说明

《庄子》是先秦诸子的代表作品之一，是中国古典文献中的精华。自从它产生以来，便受到历代文人的重视。

《庄子》的注本很多，竟达数十种。《庄子集解》是其集大成者。作者王先谦是清朝人，一生着力于庄子研究，他在总结前人研究成果的同时，提出了自己的许多见解，很有价值。

此次整理，我们以诸子集成本为底本，参校其它流行本，择优而从。为方便普通读者的阅读参考，除将繁体竖排改为简体横排外，特意将原本的字句夹注改为段后集中注，原文与注文分开。另外，王中州先生特意为之配画 30 余幅，希望它能够为读者所接受。不当之处，敬请谅解。

编者

序

夫古之作者，岂必依林草、群鸟鱼哉！余观庄生甘曳尾之辱，却为牺之聘，可谓尘埃富贵者也。然而贷粟有请，内交于监河；系履而行，通谒于梁魏；说剑赵王之殿，意犹存乎救世。遭惠施三日大索，其心迹不能见谅于同声之友，况余子乎！吾以是知庄生非果能回避以全其道者也。

且其说曰：“天下有道，圣人成焉；天下无道，圣人生焉。”又曰：“周将处乎材不材之间。”夫其不材，以尊生也；而其材者，特藉空文以自见。老子云：“美言不信。”生言美矣，其不信又已自道之。故以橛饰鞭策为伯乐罪，而撒髑髅未尝不用马捶；其死棺槨天地，而以墨子薄葬为大觳；心追容成、大庭结绳无文字之世，而恒假至论以修心。此岂欲后之人行其言者哉？嫉时焉耳。

是故君德天杀，轻用民死，刺暴主也；俗好道谀，严于亲而尊于君，愤浊世也。登无道之廷，口尧而心桀；出无道之野，貌夷而行跖。取又奚取夫空名之仁义，与无定之是非？其志已伤，其词过激。设易天下

为有道，生殆将不出于此。后世浮慕之以成俗，此读生书者之咎，咎岂在书哉！

余治此有年，领其要，得二语焉，曰：“喜怒哀乐，不入于胸次。”窃尝持此以为卫生之经，而果有益也。噫！是则吾师也夫！

旧注备矣，辄芟取众长，间下己意，辑为八卷，命之曰《集解》。世有达者，冀共明之。

宣统元年七月

目 录

序.....	(1)
内篇.....	(1)
卷一	(1)
逍遥游第一.....	(1)
齐物论第二.....	(13)
养生主第三.....	(43)
人间世第四.....	(50)
卷二	(72)
德充符第五.....	(72)
大宗师第六.....	(85)
应帝王第七.....	(110)
外篇.....	(121)
卷三	(121)
骈拇第八.....	(121)
马蹄第九.....	(128)
胠篋第十.....	(132)
在宥第十一.....	(138)
天地第十二.....	(153)
卷四	(176)
天道第十三.....	(176)

天运第十四	(190)
刻意第十五	(206)
缮性第十六	(210)
秋水第十七	(214)
卷五	(235)
至乐第十八	(235)
达生第十九	(246)
山木第二十	(264)
田子方第二十一	(280)
卷六	(296)
知北游第二十二	(296)
杂篇	(317)
庚桑楚第二十三	(317)
徐无鬼第二十四	(338)
卷七	(367)
则阳第二十五	(367)
外物第二十六	(386)
寓言第二十七	(400)
卷八	(410)
让王第二十八	(410)
盗跖第二十九	(424)
说剑第三十	(438)
渔父第三十一	(443)
列御寇第三十二	(449)
天下第三十三	(465)

内篇

庄子集解卷一

逍遥游第一

言逍遥乎物外，任天而游无穷也。

北冥有鱼^①，其名为鲲^②。鲲之大，不知其几千里也。化而为鸟，其名为鹏。鹏之背，不知其几千里也；怒而飞，其翼若垂天之云。是鸟也，海运则将徙于南冥^③。南冥者，天池也^④。《齐谐》者，志怪者也^⑤。《谐》之言曰：“鹏之徙于南冥也，水击三千里^⑥，抟扶摇而上者九万里^⑦，去以六月息者也^⑧。”野马也^⑨，尘埃也^⑩，生物之以息相吹也^⑪。天之苍苍，其正色邪？其远而无所至极邪？其视下也亦若是，则已矣^⑫。且夫水之积也不厚，则其负大舟也无力。覆杯水于坳堂之上^⑬，则芥为之舟^⑭，置杯焉则胶^⑮，水浅而舟大也。风之积也不厚，则其负大翼也无力。故九万里则风斯在

下矣，而后乃今培风^⑮；背负青天而莫之矢阏者^⑯，而后乃今将图南^⑰。蜩与学鸠笑之曰^⑱：“我决起而飞^⑲，枪榆、枋^⑳，时则不至而控于地而已矣^㉑，奚以之九万里而南为^㉒？”适莽苍者三餐而反^㉓，腹犹果然；适百里者宿舂粮^㉔；适千里者三月聚粮。之二虫^㉕又何知^㉖！小知不及大知^㉗，小年不及大年^㉘。奚以知其然也？朝菌不知晦朔^㉙，惠蛄不知春秋，此小年也^㉚。楚之南有冥灵者，以五百岁为春，五百岁为秋；上古有大椿者，以八千岁为春，八千岁为秋^㉛。而彭祖乃今以久特闻^㉜，众人匹之^㉝，不亦悲乎^㉞！汤之问棘也是已^㉟。穷发之北，有冥海者，天池也。有鱼焉，其广数千里，未有知其修者，其名为鲲。有鸟焉，其名为鹏，背若泰山，翼若垂天之云^㊱，抟扶摇羊角而上者九万里^㊲，绝云气，负青天，然后图南，且适南冥也^㊳。斥鴳笑之曰^㊴：“彼且奚适也^㊵？我腾跃而上，不过数仞而下，翱翔蓬蒿之间，此亦飞之至也。而彼且奚适也^㊶？”此小大之辩也^㊷。

【集解】

①《释文》：“本一作溟，北海也。”

②《释鱼》：“鲲，鱼字。”方以智云：“鲲本小鱼，庄子用为大鱼之名。”

③《玉篇》：“运，行也。”案：行于海上，故曰“海运”。下云“水击”，是也。

④成玄英云：“大海洪川，原夫造化，非人所作，故曰天池。”案：言物之大者，任天而游。

⑤司马彪云：“齐谐，人姓名。”简文云：“书名。”

⑥崔谔云：“将飞举翼，击水踉跄。”

⑦崔云：“拊翼徘徊而上。”《尔雅》：“扶摇谓之飏。”郭注：“暴风从下上。”

⑧成云：“六月，半岁，至天池而息。”引《齐谐》一证。

⑨司马云：“野马，春日泽中游气也。”成云：“青春之时，阳气发动，遥望蓊泽，犹如奔马，故谓之野马。”

⑩成云：“扬土曰尘。尘之细者曰埃。”

⑪成云：“天地之间，生物气息，更相吹动。”案《汉书·扬雄传》注：“息，出入气也。”言物之微者，亦任天而游。入此义，见物无大小，皆任天而动。“鹏”下不言，于此点出。

⑫其，谓鹏。是，谓人视天。鸟在九万里上，率数约略如此，故曰“则已矣”，非谓遂止也。借人视天喻鹏视下，极言抟上之高。

⑬支遁云：“谓堂有坳垤形也。”

⑭李颐云：“芥，小草。”

⑮崔云：“著地。”

⑯王念孙曰：“培，冯也。《周礼·冯相氏》注：‘冯，乘也。’鹏在风上，故言冯。培、冯声近义通。《汉书·周縡传》，縡封蒯城侯，颜注：‘吕忱蒯音陪，《楚汉春秋》作冯城侯。’是培、冯音近之证。”

⑰司马云：“天，折也。阙，止也。言无有折止使不行者。”

⑱谋向南行。借水喻风，唯力厚，故能负而行，明物非以息相吹不能游也。

①⑨《释文》：“学，本又作鸞，本或作鸞，音預。司马云：‘学鸞，小鸞。’”俞樾云：“《文选》江淹诗‘鸞斯高下飞’，李注引《庄子》此文说之。又引司马云：‘鸞鸞，小鸟。’是司马注作鸞，不作鸞。”

②⑩李云：“决，疾貌。”

②⑪支云：“枪，突也。”李云：“犹集也。”榆、枋，二木名。枋，音方，李云：“檀木。”

②⑫王念孙云：“则，犹或也。”司马云：“控，投也。”

②⑬借蜩、鸞之笑，为惠施写照。

②⑭《释文》：“苍，七荡反。或如字。崔云：‘草野之色。’”三餐，犹言竟日。

②⑮隔宿捣米储食。

②⑯谓蜩、鸞。

②⑰借人为二虫设喻。

②⑱《释文》：“音智，本亦作智。下大知同。”

②⑲上语明显，设喻骈列，以掩其迹。

③⑩《列子·汤问》篇：“朽壤之上，有菌芝者，生于朝，死于晦。”晦谓夜。《释文》：“朔，旦也。”

③⑪《释文》：“惠，本用螽。司马云：‘惠蛄，寒蝉也，一名蜩蛄，春生夏死，夏生秋死。’”

③⑫“楚之南”下，全引《列子·汤问》篇。“楚”，彼作“荆”。

③⑬李云：“彭祖，名铿，尧臣，封彭城，历虞、夏至商，年七百岁，故以久寿见闻。”

③⑭言寿者必举彭祖为比。

③⑮此段从“小年”句演出。

⑳《汤问》篇“殷汤问于夏革”，张湛注：“汤大夫。”棘、革古同声通用。

㉑《汤问》篇：“终发北之北，有溟海者，天池也。有鱼焉，其广数千里，其长称焉，其名为鲲。有鸟焉，其名为鹏，翼若垂天之云，其体称焉。”按：《列子》不言鲲化为鹏。又此下至“而彼且奚适也”，皆《列子》所无，而其文若相属为义。漆园引古，在有意无意之间，所谓“洗洋自恣以适己”者，此类是也。

㉒司马云：“风曲上行若羊角。”

㉓引《汤问》再证。

㉔司马云：“斥，小泽。鸙，鸙雀也。斥，本作尺。”古字通。夏侯湛《抵疑》：“尺鸙不能陵桑榆。”《文选·七启》注：“鸙雀飞不过一尺，言其劣弱也。”案：雀飞何止一尺？下文明言“数仞”矣。

㉕彼，鹏。

㉖又借斥鸙之笑，为惠施写照。

㉗点明。

故夫知效一官，行比一乡^①，德合一君而征一国者^②，其自视也亦若此矣^③。而宋荣子犹然笑之^④。且举世誉之而不加劝，举世非之而不加沮^⑤，定乎内外之分^⑥，辨乎荣辱之境^⑦，斯已矣^⑧。彼其于世，未数数然也^⑨。虽然，犹有未树也^⑩。夫列子御风而行^⑪，泠然善也^⑫，旬有五日而后反。彼于致福者，未数数然也^⑬。此虽免乎行，犹有所待者也^⑭。若夫乘天地之正，

而御六气之辩^⑨，以游无穷者，彼且恶乎待哉^⑩！故曰：至人无己，神人无功，圣人无名^⑪。

【集解】：

①李云：“比，合也。”

②郭庆藩云：“而读为能。能、而，古字通用。官、乡、君、国相对，知、行、德、能亦相对。”司马云：“征，信也。”

③此谓斥鴳。方说到人，暗指惠施一辈人。

④司马、李云：“荣子，宋国人。”崔云：“贤者。”谓犹以为笑。

⑤郭象云：“审自得也。”

⑥郭云：“内我而外物。”

⑦郭云：“荣己而辱人。”

⑧成云：“荣子智德，止尽于斯。”

⑨言不数数见如此者也。

⑩司马云：“树，立也。至德未立。”案：言宋荣子不足慕。

⑪成云：“列御寇，郑人，与郑繻公同时。”案《列子·黄帝》篇：“列子师老商氏，友伯高子，尽二子之道，乘风而归。”下文云：“随风东西，犹木叶干壳，竟不知风乘我邪，我乘风乎？”

⑫郭云：“泠然，轻妙之貌。”

⑬成云：“致，得也。得风仙之福。”案：言得此福者，亦不数数见也。

⑭难免步行，犹必待风。列子亦不足慕。

⑮司马云：“六气，阴、阳、风、雨、晦、明。”郭庆藩

云：“辩读为变，与正对文。辩、变古字通。”

⑩无所待而游于无穷，方是《逍遥游》一篇纲要。

⑪《释文》：“己音纪。”成云：“至言其体，神言其用，圣言其名，其实一也。”案：不立功名，不以己与，故为独绝。此庄子自为说法，下又列四事以明之。

尧让天下于许由^①，曰：“日月出矣，而燭火不息^②，其于光也，不亦难乎！时雨降矣，而犹浸灌，其于泽也，不亦劳乎！夫子立而天下治，而我犹尸之^③，吾自视缺然，请致天下。”许由曰：“子治天下，天下既已治也。而我犹代子，吾将为名乎？名者，实之宾也，吾将为宾乎？鸛鷖巢于深林，不过一枝^④；偃鼠饮河，不过满腹^⑤。归休乎君！予无所用天下为。庖人虽不治庖，尸祝不越樽俎而代之矣^⑥。”

【集解】

①司马云：“颍川阳城人。”

②《字林》：“燭，炬火也。”

③成云：“尸，主也。”

④李云：“鸛鷖，小鸟。”郭璞云：“桃雀。”

⑤李颐云：“偃鼠，鼯鼠也。”李桢云：“偃，或作鼯，俗作鼯。”《本草》陶注：“一名鼯鼠，常穿耕地中行，讨掘即得。”《说文》“鼯”下云：“地行鼠，伯劳所化也。”李说误。

⑥《释文》：“传鬼神言曰祝。”案：引不受天下之许由，为己写照。言非此不能独全其天。

肩吾问于连叔^①曰：“吾闻言于接舆^②，大而无当^③，往而不返。吾惊怖其言，犹河汉而无极也^④，大有径庭^⑤，不近人情焉。”连叔曰：“其言谓何哉？”曰：“藐姑射之山^⑥，有神人居焉，肌肤若冰雪，淖约若处子^⑦，不食五谷，吸风饮露。乘云气，御飞龙，而游乎四海之外^⑧。其神凝^⑨，使物不疵疠而年谷熟^⑩。吾是以狂而不信也^⑪。”连叔曰：“然。瞽者无以与乎文章之观，聋者无以与乎钟鼓之声。岂惟形骸有聋盲哉？夫知亦有之。是其言也，犹时女也^⑫。之人也，之德也，将磅礴万物，以为一世蕲乎乱，孰弊弊焉以天下为事^⑬！之人也，物莫之伤，大浸稽天而不溺^⑭，大旱、金石流、土山焦而不热。是其尘垢粃糠^⑮，将犹陶铸尧、舜者也，孰肯以物为事^⑯！宋人资章甫适诸越^⑰，越人短发文身，无所用之^⑱。尧治天下之民，平海内之政，往见四子藐姑射之山^⑲，汾水之阳，窅然丧其天下焉^⑳。”

【集解】

①成云：“并古之怀道者。”

②《释文》：“皇甫湜云：‘按舆躬耕，楚王遣使以黄金百镒、车二驷聘之，不应。’”

③《释文》：“丁浪反。”案：当，底也。

④成云：“犹上天河汉，迢递清高，寻其源流，略无穷极。”

⑤宣颖云：“径，门外路；庭，堂外地。大有，谓相远之

甚。”

⑥《释文》：“藐音邈，简文云：‘远也。’姑射，山名，在北海中。”

⑦李云：“淖约，好貌。”《释文》：“处子，在室女。”

⑧“乘云气”三句，又见《齐物论》篇，“御飞龙”作“骑日月”。

⑨三字吃紧。非游物外者，不能凝于神。

⑩司马云：“疵，毁也。”疴音癰，恶病。《列子·黄帝》篇：“姑射山在海中。山上有神人焉，吸风饮露，不食五谷，心如渊泉，形如处女。不施不惠，而物自足，不聚不敛，而已无愆。阴阳常调，日月常明，四时常若，风雨常均，字育常时，年谷常丰。而土无札伤，人无夭恶，物无疵疠。”漆园本此为说。

⑪狂，李又九况反。案：音读如诳。言以为诳。

⑫司马云：“犹处女也。”案：时，是也。云是其言也，犹是若处女者也。此人也、此德也云云，极拟议之词。

⑬李云：“磅礴，犹旁礴。”李桢云：“亦作旁魄，广被意也。言其德行广被万物，以为一世求治，岂肯有劳天下之迹！《老子》：‘我无为而民自化。’乱，治也。”简文云：“弊弊，经营貌。”案：薪同期。

⑭司马云：“稽，至也。”

⑮《说文》“𦵏”作“𦵏”。《释文》：“𦵏糠，犹繁碎。”案：言于烦碎之事物，直以尘垢视之。

⑯又引不以天下为事之神人，以明其自全之道。

⑰李云：“资，货也。章甫，殷冠也。以冠为货。”司马云：“诸，于也。”